



KEV PAB RAU KEV PUAS TSUAJ

LFP - Khoos Kas Pab Tej Zaub Nyuj Puas Tsuj (Livestock Forage Disaster Program)

Cov Ntsiab Lus

Khoos Kas Pab Zaub Nyuj Puas Tsuj (Livestock Forage Disaster Program, LFP) muab nyiaj pab rau:

- Cov tswv tsiaj thiab cov neeg tu tsiaj uas tsim nyog raug pab uas muaj cov tsiaj raug duav roos thiab
- Cov uas kuj yog cov tu tej nyom cia ua zaub nyuj (tej tiaj nyom uas ib txwm xeeb txawm thiab raug kho kom ua vaj tsiaj kom muaj zaub nyuj rau hauv daim teb)
- Los sis tau cog qees cov qoob loo tshwj xeeb rau pub nyuj) uas tau ntsib kev puas tsuaj rau tej zaub nyuj no vim los ntawm ntuj qhuav rau thaum lub caij tu nyuaj hauv lub zos.

LFP kuj muab nyiaj pab rau:

- Cov tswv tsiaj los sis cov neeg tu tsiaj uas tsim nyog raug pab uas muaj cov tsiaj raug duav roos thiab
- Cov uas kuj yog cov cog zaub nyuj rau ntawm daim dav uas raug tswj los ntawm tsoom fww ib lub chaw yog, tus neeg tu tsiaj uas tsim nyog raug pab raug txwv los ntawm tsoom fww ib lub chaw tsis pub cia ua tiaj nyom cia nyuj noj mus ib txhis rau ntawm daim av no lawm vim hais tias muaj feem yuav raug hluav taws kub hnyiab.

Yuav tsim nyog raug pab rau kev tej tiaj nyom zaub nyuj uas puas tsuaj los ntawm ntuj qhuav, thiab/los sis kev ceeb toom txog kev txwv txiav tsis pub tu ua tiaj nyom cia nyuj noj vim Tsoom Fww yeej pom tias daim av no muaj hluav taws kub hnyiab tas li rau thaum lub caij tu zaub ciaj rau nyuj noj thiab rau hauv lub xyoo ua qoob loo.

LAP raug tswj los ntawm Lub Tsev Hauj Lwm Saib Xyuas kev Ua Qoob Loo (Farm Service Agency, FSA) ntawm Tsoom Fww Meskas Lub Tsev Hauj Lwm Saib Xyuas Kev Ua Liaj Ua Teb (U.S. Department of Agriculture, USDA).

Cov Zos Uas Tsim Nyog Raug Pab vim Ntuj Qhuav

Ib tug tswv tsiaj los sis ib tug neeg tu tsiaj uas tsim nyog raug pab yog tus uas tu cov zaub nyuj, yog tus tswv los sis tus neeg xauj daim dav tu zaub nyuj los sis yeej nyob rau ntawm lub vaj zaub nyuj hauv lub zos raws li Qhov Kev Soj Qab Xyuas Ntuj Qhuav Hauv Teb Chaws Meskas tias rau thaum nyob them:

- D2 (ntuj qhuav heev) rau ntawm ib thaj chaw ntawm lub zos ntev tsawg kawg yog yim lub vij ua ke rau thaum ib lub caij tu zaub rau nyuj noj uas ib txwm muaj thiaj li tsim nyog tau txais nyiaj pab npaum li cov nyiaj them hauv ib lub hlis;
- D3 (ntuj qhuav tshaj plaws) rau ntawm ib thaj chaw ntawm lub zos rau thaum ib lub caij tu zaub rau nyuj noj uas ib txwm muaj thiaj li tsim nyog tau txais nyiaj pab npaum li cov nyiaj them hauv peb lub hlis;
- D3 (ntuj qhuav tshaj plaws) rau ntawm ib thaj chaw ntawm lub zos ntev tsawg kawg plaub lub vij rau thaum ib lub caij tu zaub rau nyuj noj uas ib txwm muaj los sis raug ntaus nqis tias yog them D4 (muaj ntuj qhuav tshwj xeeb) rau thaum lub caij tu zaub rau nyuj noj uas ib txwm muaj mas thiaj li tsim nyog tau txais nyiaj pab npaum li cov nyiaj them hauv plaub lub hlis; los sis
- D4 (ntuj qhuav tshwj xeeb) rau ntawm ib lub zos ntev txog plaub lub vij (tsis tas yuav yog plaub lub vij ua ke) rau thaum lub caij tu zaub rau nyuj noj uas ib txwm muaj thiaj li tsim nyog tau txais nyiaj pab npaum li cov nyiaj them hauv tsib lub hlis.



Ib daim ntawv duab qhia chaw ntawm cov zos uas tsim nyog raug pab rau cov nyiaj pab ntawm LFP rau ntuj qhuav ces tuaj yeem nrhiav tau rau ntawm [fsa.usda.gov/programs-and-services/disaster-assistance-program/livestock-forage/index](https://www.fsa.usda.gov/programs-and-services/disaster-assistance-program/livestock-forage/index).

Cov Tsiaj Uas Tsim Nyog Raug Pab

Cov tsiaj uas tsim nyog raug pab yog cov tsiaj tso noj zaub uas feem ntau yeej cov zaub nyuj no yuav tsum yog hom zaub pab txhawb ua kom tej tsiaj rog zoo txaus rau ntawm tej zaub nyuj los sis tej taum thiab phim rau ntau ho tsiaj noj xws li alpacas, nyuj nqaj, twm/twm ntshuav, nyuj ntshuav, nyuj mis, mos lwj, mos lwj loj, noog emus, nees, tshis, llamas, mos lwj reindeer los sis yaj.

Hauv tej hom tsiaj uas yog cov tsim nyog raug pab no yog cov nyob rau hauv lub vaj zaub nyuj los sis yuav tsum tso rau hauv lub vaj zaub nyuj uas tsim nyog yog lub tiaj vaj zaub nyuj los sis lub vaj tsiaj:

- Rau thaum lub caij tu zaub rau nyuj noj rau ntawm tej hom vaj zaub nyuj tshwj xeeb los sis lub vaj tsiaj rau hauv lub zos; los sis
- Thaum lub chaw ntawm tsoom fww tau txwv txiav tsis pub tus tswj tsiaj los sis tus neeg tu tsiaj tso nyuj noj rau ntawm lub vaj zaub nyuj uas ib txwm tu nyuj vim hais tias yog daim av uas yuav muaj feem raug hluav taws kub hnyiab.

Cov Tswv Tsiaj Uas Tsim Nyog Raug Pab yuav tsum:

- Yog tus tswv, yog tus xauj, yog tus yuav, muaj ntaub ntawv cog lus yuav, los sis muaj ntaub ntawv cog lus ua tus neeg tu rau hauv lub sij hawm 60 hnuv ua ntej hnuv pib suav yog caij ntuj qhuav los sis yog caij muaj xwm txheej hluav taws kub hnyiab;
- Raug muag los sis raug muab pov tseg lawm vim muaj xwm txheej ntuj qhuav rau thaum lub caij tsim ua qoob loo rau lub xyoo tam sim no los sis rau hauv ib los sis ob lub xyoos ua qoob loo ua ntej cim ua qoob loo rau lub xyoo tam sim no;
- Tseem raug tswj tseg cia tu ua lag luam ua vaj tsiaj rau thaum hnuv pib caij ntuj qhuav los sis caij hluav taws kub hnyiab mus;
- Tsis tau tsim ua dab tsi hlo li thiab tsuas tswj tseg siv rau lwm lub hom phiaj uas tsis yog cia siv ua vaj tsiaj tu nyuj muag (xws li, cia ua vaj tsiaj qus los sis tej tsiaj uas cia saib rau sawd daws mus ncig xyuas, cia ua vaj yos hav zoov, tso tej tsiaj nyeg, tseg cia tau cab mus los los sis cia ua yeeb yam); thiab
- Tsis tau tso tsiaj rau li los sis tsis tau cia tsiaj los noj rau ntawm lub vaj no rau thaum hnuv pib txog lub caij ntuj qhuav los sis caij hluav taws kub hnyiab uas yog ib feem ntawm txoj lag luam ntawm tus tswv tsiaj los sis tus neeg tu tsiaj.

Cov Neeg Ua Qoob Loo Uas Tsim Nyog Raug Pab

Yuav tsim nyog raug pab rau ntawm LFP, cov neeg los sis cov chaw ntawd yuav tsum yog neeg pej xeem Meskas, cov txawv teb chaws uas muaj chaw nyob, neeg sib koom nrog neeg pej xeem Meskas, ib lub chaw uas raug raws txoj cai li txoj cai lij choj hauv Teb Chaws Meskas, los sis ib lub koom haum hauv Haiv Neeg Qhab los sis koom haum haiv neeg tsawg raws li hais tseg rau hauv Txoj Cai Pab Txiaiv Txim Siab Rau Tus Kheej Rau Neeg Qhab thiab Pab Kev Kawm Ntawv uas:

- Tus kheej, nyiaj ntsuab los sis sib koom xauj, los sis yog ib tug neeg tu tsiaj uas muaj ntaub ntawv tso cai ntawm tej tsiaj raug duav roos rau hauv lub sij hawm 60 hnuv ua ntej hnuv pib txog lub caij ntuj qhuav los sis caij hluav taws kub hnyiab;
- Npaj tej vaj tsiaj los sis tej tiaj nyom rau tej tsiaj uas raug duav roos, suav txog kev them nyiaj xauj lub vaj tsiaj los sis lub tiaj nyom rau thaum hnuv txog caij ntuj qhuav los sis caij hluav taws kub hnyiab uas qhov twg los tau ua xub los txog dua:
 - Lub chaw no nyob rau hauv lub zos uas raug cuam tshuam los ntawm ntuj qhuav rau thaum lub caij tso nyuj noj zaub uas ib txwm muaj rau hauv lub zos no; los sis
 - Daim av tu tsiaj no raug tswj los ntawm tsoom fww ib lub chaw rau hom tsiaj uas tsis yog hom tsim nyog raug pab tus neeg tu tsiaj raug txwv los ntawm lub chaw ntawm tsoom fww tsis tso cai cia tu tsiaj rau ntawm lub vaj zaub nyuj no vim ntawm muaj pheej hmoo raug hluav taws kub hnyiab.
- Ua pov thawj tau tias lawv lub vaj zaub nyuj raug puas tsuaj vim ntawm ntuj qhuav los sis hluav taws kub hnyiab; thiab
- Tau hais qhia txog txhua thaj zaub nyuj uas muaj kev puas tsuaj kom ncav sij hawm rau ntawm lub vaj uas raug puas tsuaj uas tab tom thov kev pab ntawd.



Kev Them Cov Nyiaj Pab

FSA yuav xav cov nyiaj pab ntawm LFP rau ib tug neeg tu tsiaj uas tsim nyog raug pab rau ntawm tej vaj zaub nyuj puas tsuaj vim ntawm lub caij ntuj qhuav npaum li cov nyiaj pab li ib npaug, peb npaug, plaub npaug los sis tsib npaug ntawm tu nqi them cov nyiaj LFP hauv txhua lub hlis. Tus nqi them cov nyiaj pab ntawm LFP txhua lub hlis rau ntuj qhuav yog npaum li 60 feem puas ntawm tus nqi tej khoom noj ntawm tej tsiaj hauv lub hlis:

- Rau txhua cov tsiaj raug duav nroos uas muaj tswv los sis xauj los ntawm tus neeg tu tsiaj uas tsim nyog raug pab; los sis
- Raug xam nqi raws li kev siv tau tsawg ntawm lub vaj zaub nyuj ntawm tus neeg tu tsiaj uas tsim nyog raug pab.

Tag nrho cov nyiaj pab ntawm LFP rau ib tug tswv tsiaj los sis ib tug neeg tu tsiaj uas muaj ntaub ntawv cog lus hauv ib lub xyoo rau tej zaub nyuj puas tsuaj tsis tshaj cov nyiaj pab tsib lub hlis rau tib yam, hom, thiab qhov hnyav ntawm tej tsiaj.

Hauv kis uas tus tswv tsiaj los sis tus neeg tu tsiaj uas tsim nyog raug pab yog tus tau muag tej tsiaj los sis tau muab tej tsiaj tshem tawm vim ntawm tej xwm txheej ntuj qhuav rau hauv ib los sis ob lub xyoo tu tsiaj ua ntej lub xyoos tu tsiaj tam sim no, tus nqi them nyiaj pab yuav npaum li 80 feem ntawm tus nqi them hauv lub hlis.

FSA yuav xam cov nyiaj pab ntawm LFP rau cov tswv tsiaj los sis cov neeg tu tsiaj muaj ntaub ntawv cog lus uas tsim nyog raug pab rau tej puas tsuaj vim yog muaj hluav taws kub hnyiab rau ntawm tsoom fww tej vaj zaub nyuj rau tus neeg tu tsiaj uas raug txwv los ntawm qhov tsis pub tso tej tsiaj rau ntawm lub vaj zaub uas ib txwm tso. Pib them cov nyiaj pab rau thawj hnuv raug tso cai rau tej tsiaj uas raug txwv tsis pub tso rau ntawm lub vaj tsiaj thiab yuav xaus ua ntej rau ntawm hnuv kawg ntawm tus neeg xauj tu tsiaj uas tsim nyog raug pab los sis hnuv uas yuav tau ua rau hauv lub sij hawm 180 hnuv. Tus nqi them cov nyiaj pab yog 50 feem puas ntawm tus nqi tej khoom pub tsiaj hauv lub hlis rau cov hnuv raug txwv tsis pub tu tsiaj los sis tus neeg tu tsiaj uas muaj ntaub ntawv cog lus tu tsiaj rau ntawm lub vaj vim yuav muaj feem raug hluav taws kub hnyiab, tab sis tsis pub tshaj 180 hnuv.



Kev Txwv Ntawm Cov Nyiaj Them Pab

Txoj Cai Kev Tsim Kho Kev Ua Liaj Ua Teb (Txoj Cai Ua Qoob Loo Xyoo 2018) tau teeb tsa qhov txwv txiav cov nyiaj pab uas sib tshaj plaws toj ib tug neeg thiab toj ib lub chaw rau cov nyiaj pab ntawm LFP (tsis xam txog lwm qhov khoos kas) yog siab txog \$125,000.

Yog li ntawd, rau xyoo 2019 thiab cov kev pab ntawm cov xyoo tom qab ntawd, txwv tsis pub leej twg los sis lub chaw twg los mus koom los sis sib koom tes ua ke, los mus txais tej nyiaj pab ncaj qha los sis tsis ncaj qha, ntau tshaj \$1250,000 tag nrho rau tej nyiaj pab hauv LFP. Kev txwv txiav rau tag nrho cov nyiaj tau los theem nruab nrab (AGI) us ntsig txog rau cov nyiaj pab rau cov neeg los sis cov chaw, tsis tau koom ua ke thiab sib koom tes ua ke nrog ces tsuas siv qee theem ntawm AGI xwb. Tshwj xeeb mas, ib tug neeg los sis ib lub chaw uas muaj qhov AGI (raws li hais tseg rau hauv 7 CFR Phaj 1400) tias cov nyiaj khwv tau los tshaj \$900,000 ces yuav tsis tsim nyog los mus txais cov nyiaj them ntawm LFP.

Tej cai uas vim ncaj qha los ntawm qhov no kuj siv tau rau qhov khoos kas LFP thiab. Hauv qhov muaj feem ncaj qha, ib qho nyiaj them rau ib lub chaw yeej raug xam (rau cov hom phiaj ntawm kev txwv txiav cov nyiaj pab) uas yuav tau them rau cov neeg los sis cov chaw kuj yuav raug xam nrog rau cov nyiaj paj raws hauv ib lub chaw los sis ib lub chaw ncau. Xav paub ntau ntxiv, mus saib daim ntawv qhia qhov tseeb ntsig txog Qhov Tsim Nyog Tau Cov Nyiaj Them thiab Tej Kev Txwv Txiaj Ntawm Cov Nyiaj Them nyob rau hauv fsa.usda.gov/payment-limitations.

Kev tso npe

Cov neeg tu tsiaj uas tsim nyog raug pab kuj yog cov uas tu tsiaj ntawm lub vaj zaub nyuj yuav tsum sau daim ntawv thov cov nyiaj pab kom tiav thiab nrhiav tej ntaub ntawv pab txhawb xa mus rau FSA lub tsev lis hauj lwm ntawm koj lub zos kom tsis pub dhau 30 hnub tom qab kawg lub xyoo hauv qhov tshwm sim muaj kev puas tsuaj rau ntawm lub vaj zaub nyuj.

Cov neeg tu tsiaj uas muaj ntaub ntawv cog lus yuav tsum theej ib daim ntawv theej ntawm tus neeg tu tsiaj daim ntawv cog lus thiab txhua yam ntaub ntawv pov txhawb uas yuav tsum siv rau qhov txiav txim txog tus neeg tu tsiaj uas muaj ntaub ntawv cog lus qhov tsim nyog raug pab mus.

Tej ntaub ntawv ua pov thawj mas yuav tsum muaj pov thawj txog qhov raug puas tsuaj thiab tej ntaub ntawv pov thawj yog tus tswv los sis tus xauj rau ntawm daim tej nyom los sis lub vaj zaub nyuj.

Yog muaj ib qho kev puas rau ntawm tej nyom vim hluav taws kub hnyiab uas tus neeg tu tsiaj raug txwv los ntawm lub chaw lis hauj lwm ntawm tsoom fww tsis pub tso tsiaj rau ntawm lub tiaj nyom uas ib txwm tso tsiaj no lawm vim hais tias muaj feem yuav ua rau muaj hluav taws kub hnyiab.

FSA yuav siv tej ntaub ntawv uas tau muab no los ua tib zoo txheeb xyuas ib tug neeg thov zuj zus los mus txiav txim txog qhov tsim nyog raug pab rau tej nyiaj pab. Kev muab tej ntaub ntawv no qhia ces yog yeem dawb xwb; txawm li cas los xij, yog tsis muaj tag nrho tej ntaub ntawv uas yuav tsum muaj no ces, yuav tsim pom zoo rau tej nyiaj thov.

Yog Xav Paub Tej Ntaub Ntawv Ntau Ntxiv

Daim ntawv qhia qhov tseeb no yog tsuas muaj tej ntaub ntawv uas tsis raws txheej txheem xwb; tej zaum lwm cov qauv cai los sis tej kev txwv txiav tseem yuav siv tau thiab. Yog xav paub ntau ntxiv txog FSA cov khoos kas pab kev puas tsuaj, saib hauv farmers.gov los sis hu rau FSA lub tsev lis hauj lwm hauv koj ib cheeb tsam. Yuav nrhiav FSA lub tsev lis hauj lwm hauv koj ib cheeb tsam, saib hauv [farmers.gov/ service-center-locator](https://farmers.gov/service-center-locator).

TUS NQI THEM COV NYIAJ PAB RAU TEJ TSIAJ						
YAM	HOM	THAJ TSAM HNYAV	TUS NQI THEM NYIAJ PAB TOJ IB TUG TSIAJ			
			2018	2019	2020	2021
Nyuj Twm	Loj	Heev, Maum	\$28.07	\$29.34	\$31.89	\$31.18
	Tsis Yog Cov Loj	500 phaus los sis siab dua	\$21.05	\$22.01	\$23.92	\$23.38
		Hnyav tsawg dua 500 pounds		\$14.67	\$15.94	\$15.59
Nyuj Mis	Loj	Heev, Maum	\$72.98	\$76.29	\$82.91	\$81.07
	Tsis Yog Cov Loj	500 phaus los sis siab dua	\$21.05	\$22.01	\$23.92	\$23.38
		Hnyav tsawg dua 500 pounds		\$14.67	\$15.94	\$15.59
Nyuj Ntxhuav	Loj	Heev, Maum	\$28.07	\$29.34	\$31.89	\$31.18
	Tsis Yog Cov Loj	500 phaus los sis siab dua	\$21.05	\$22.01	\$23.92	\$23.38
		Hnyav tsawg dua 500 pounds		\$14.67	\$15.94	\$15.59
Twm/Twm Ntxhuav	Loj	Heev, Maum	\$28.07	\$29.34	\$31.89	\$31.18
	Tsis Yog Cov Loj	500 phaus los sis siab dua	\$21.05	\$22.01	\$23.92	\$23.38
		Hnyav tsawg dua 500 pounds		\$14.67	\$15.94	\$15.59
Yaj	Tag Nrho		\$7.02	\$7.34	\$7.97	\$7.79
Tshis	Tag Nrho		\$7.02	\$7.34	\$7.97	\$7.79
Mos Lwj	Tag Nrho		\$7.02	\$7.34	\$7.97	\$7.79
Nees	Tag Nrho		\$20.77	\$21.71	\$23.60	\$23.07
Mos Lwj Loj	Tag Nrho			\$15.85	\$17.22	\$16.84
		Hnyav tsawg dua 400 pounds	\$6.18			
		400 txog 799 phaus	\$11.51			
		800 phaus los sis siab dua	\$15.16			
Mos Lwj Reindeer	Tag Nrho		\$6.18	\$6.46	\$7.02	\$6.87
Yaj (Alpacas)	Tag Nrho		\$23.12	\$24.17	\$26.27	\$25.68
Noog Emus	Tag Nrho		\$14.37	\$15.02	\$16.32	\$15.96
Llamas	Tag Nrho		\$10.25	\$10.71	\$11.64	\$11.38

FAJ SEEB: Ib tug tsiaj nyob rau ntawm lub vaj zaub yog raug xam tias yog hom tsiaj uas los ntawm lub vaj zaub uas muaj tej zaub zoo, tuaj yeem pab txhawb tau 50 feem pua ntawm qhov rog ntawm tus tsiaj los ntawm kev noj tej zaub cog thiab tej taum cog, yam tsis xav txog qhov tso tej tsiaj noj los sis qhov ib txwm muaj tej tsiaj rau ntawm lub tiaj nyom los sis lub vaj zaub ntawd. Cov me nyuam tsiaj uas tseem tsis tseg niam mis tau ces tsis xam tias yog tsiaj noj zaub thiab tsis tsim nyog raug pab rau qhov LFP.

Tus nqi them hauv lub hlis ra tej kev puas vim los ntawm muaj ntuj qhuav mas raug xam 60 feem pua ntawm tus nqi qhis tshaj plaws ntawm tej khoom pub rau tej tsiaj toj ib lub taub hau tsiaj raws li dam ntawv teev tseg saum toj saud los sis ntawm tus nqi tej khoom noj hauv lub hlis rau ntawm lub tiaj nyom los sis lub vaj zaub uas ib txwm muaj.

